

**DE GLORIOSISSIMA
CHRISTI DOMINI
RESURRECTIONE
ORATIO HABITA
PRIDIE KALEN...**

Ottavio Passari, Bartolomeo :
da#Roma, Valenti Gonzaga




THE JOURNAL OF THE

AMERICAN MEDICAL ASSOCIATION

PUBLISHED WEEKLY

7 A

BEATISSIME PATER.



RATIONEM *hanc, quæ,*
si ex ingenii mei te-
nuitate spectetur, nullius est sane pretii,
si ex argumenti magnitudine, dignita-
tem sibi aliquam comparavit, supplex
Tibi offero, CLEMENS Pontifex
Maxime. Diu profecto est, ex quo nihil

habebam antiquius , quam ut Nomini
Tuo aliquam nuncuparem obsequentis
animi mei significationem . Nec porro
mihi plurima deerant incitamenta . Sed
hujus auctoritatem loci contingere non
audebam , quum me quidam non ina-
nis timor ab hoc aditu laudis interpel-
laret . Timebam enim , ne quis fortasse
hac in re , sin minus ambitiose , me pa-
rum saltem modeste gerere arbitraretur .
Nam si non ingratus , atque immemor
existimari velim , de Te loqui vix cer-
te possum , ac ne vix quidem , quin amor
ille Tuus eximius , ac singularis erga
nos beneficentiæ magnitudo summis lau-
dibus extollatur . Cujus sane commemo-
ratio quum mihi perhonorifica valde sit ,
verebar equidem vel maximopere , ne
domesticam ipse commendationem aucu-
pari viderer . Tuam quippe beneficen-
tiam quum nomino , tot mihi egregia
in patrum meum benevolentissimæ Vo-
luntatis Tuæ testimonia occurrunt , ut
non ab ipso solum , sed a me etiam æter-
num exigant grati animi monumen-
tum . Nam ut tacitus præmittam ,
quæ in eum beneficia contuleris , quum

in amplissimo Cardinalium Ordine versare; ubi ad augustissimam Divi Petri Sedem ascendisti, nedum paulo post S. R. E. Cardinalem renunciavisti, sed in præsens etiam ejus opera benignissime uteris, eundemque consiliorum tuorum participem honorifice adhibes, & administrum. Hæc profecto singula sic majestate præcellunt, ut nostra Te familia Parentem beneficentissimum debeat perpetuo colere, & venerari. At vero quo sunt ipsa per se digniora, eo magis torpebat mihi præ metu animus, ne, dum maxime gratus, & officiosus esse contenderem, id proficisci ab ostentatione potius, quam a voluntate, atque observantia videretur. Quid igitur? Ab omni prorsus officii genere mihi diutius temperandum statuerem? Id autem nec in patrum meum beneficia Tua cum plane maxima, tum immortalia, nec ejusdem Tuorum in se Meritorum testificatio patiebantur. Malui itaque Tuam publice beneficentiam commemorando modestiam meam in suspicionem vocari, quam aut parum videri gratus, aut immemor. Interim

vero non tam Orationem hanc ipsam,
quam oratoris animum veneratione,
qua decet maxima, Tibi sisto, BEATIS-
SIME PATER; & familiam nostram tot
immortalibus beneficiis quam gratissi-
mam perpetuo fore promitto, ac ita
quidem, ut tametsi cetera possis in nos
omnia, amari Te siquando prohibeas,
minime possis.



ORATIO.



QUOD universus Christianus orbis, hac quotannis redeunte celebritate, tantopere collætetur, cum multa sunt argumenta, multæque causæ, tum Pax in primis, quam mortis victor, triumphatorque suis hodie Discipulis Christus Dominus annuntiavit. Pax enim hæc illa est, quæ sola hoc digna nomine reputanda, cujusque origo de Cælo profecta est, ubi & ab omni æternitate viguit, & omnem ultra æternitatem vigeat; pax, inquam, illa, quæ non tam veræ felicitatis est argumentum, quam summæ, plenissimæque beatitudinis complementum. Nam ad perfectissimum pacis cumulum, quum duo videantur maxime necessaria, quorum alterum dignitatis, diuturnitatis est alterum, pax quidem ea, quam redivivus attulit Re-

para-

parator , sic est undique cumulate perfecta , ut eadem & gloriosissima sit , eadem & sempiterna . Quod ne dici fortasse perperam videatur , primum , quæso , de dignitate , tum de enunciata pacis immortalitate cognoscite .

Quam Salvatori porro , quam nobis omnibus honorifica pax illa fuerit , qua de nunc agimus , testes profecto sunt beatissimi Apostoli , quibus non tam Christi Resurrectio , quam pax amplissimam tunc honoris prærogativam contulit , quum oculos altera jucundissime pasceret , aures impleret altera suavissime , utraque vero eorum mentibus sic Christi Domini dignitatem mirifice declararet , ut gloriam ejus , & gloriam quasi a Patre Unigeniti se conspexisse sibi invicem gratularentur . Atque ut de solo pacis emolumento dicam , hæc certe una tam Christi gloriam , quam quod maxime illustravit . Illum sane gloriosum vidimus in monte Thabor , quum resplenduit facies ejus , sicut Sol ; gloriosum tot in prodigiis vidimus , quæ si quis recensere singula vellet , non ea rerum caperet universitas : hæc tamen omnia dum videbamus , ita Reparatoris gloriam contemplabamur , ut cum aut ad breve temporis intervallum Divinitatis ornamentis indutum , aut in similitudinem carnis peccati missum intueremur . Ubi autem per sanguinem Crucis ejus reconciliata sunt omnia , sive quæ in terris , sive quæ in Cælis sunt , tunc demum clarificatus est Filius Dei , & ea quidem claritate , quam apud Patrem habuit , priusquam Mundus esset . Jam vero quantum hoc habeat admira-

Joann. 17.
Matth. 17.
Joann. 21.
Rom. 8.
Coloss. 1.
Joann. 17.

ratio-

rationis, quod nobis hodie in Evangelio pro-
 ponitur, quis non videt? Spes enim nostra,
 amor eorum nostrorum Jesus Canaculum
 ingressus erat, & quanquam divino lumi-
 ne circumfusus solis instar esset, omnia, si-
 mul ut est exortus, sua luce complentis; ejus
 tamen aspectu sic sunt Apostoli conturbati,
 ut inanem se spiritum intueri existimarent. *Joan. 1. 7.*
 Vix autem Regem sese pacificum declaravit,
 eorum tam est repente mutata facies, ut su-
 perfundentibus se in vultus gaudiis, divina
 prorsus, atque incredibili voluptate gesti-
 rent, exultarentque, nec exultarent modo,
 verum etiam præ gaudio mirarentur. Nec *Ibid.*
 mirari sane non poterant, quum eam Re-
 demptoris gloriam, quam primo quidem
 aspectu vix tam novi triumphi species decla-
 raverat, declaratam referre paci deberent,
 tanquam omnium, quæ Christus gesserat,
 non complemento minus, quam cumulo.
 Pacis quippe nomen & magnificum est, &
 ipsa res omnium maxime salutaris. Ut enim
 circumspiciamus omnia, quæ sua nobis servi-
 tute peperit Christus Jesus, unum tamen
 opus justitiæ pax, omnium facile gloriosissi- *I/a. 32.*
 mum nuncupabitur. Intellexit hoc equidem
 Regius Vates, qui quum opera Domini, & *Psal. 45.*
 quæ posuit prodigia super terram, spectatum
 nos invitaret, ut uno veluti sub aspectu pro-
 poneret universa, nihil ipsi ad gloriam ma-
 gnificentius occurrit, quam quod arcum con-
 teret, & confringet arma, pacem nimirum,
 sed pacem veram ubique gentium excitabit,
 confirmabitque. Quam quidem & Angelorum

vocibus excitavit vix e Cœlo delapsus , & ,
 ubi vita re floruit sempiterna , ipse per se
 confirmavit , tantoque plane illustrius , quan-
 to major est triumphantis dignitas , quam ob-
 sequentis . Age vero si qualis tandem pax
 ista fuerit , intelligatur , nonne multo etiam
 luculentius ejus ubique dignitas innotescet ?
 Eo enim tam honorifici nos largitione mune-
 ris adducti sumus , ut nostra jam triumphare
 oratio possit , & exclamare , en illa illa ,
 quam tandiu expectavimus , optatissima pax ,
 quæ primæva humanitatis jura e postliminio
 revocavit , eamque nulli secundam reddidit ,
 quæ , ut Chrysostomus ait , & Angelos ad
 nos deduxit , nostrique conditionem generis
 ad Angelorum extulit amplitudinem , quæ cum
 mortalibus immortalia conjungens æterno nos
 rerum Domino mirifice copulavit , quæ de-
 mum & Christi gloriam Resurgentis præcla-
 rissime illustravit , nobisque peperit universis
 amplitudinem , dignitatemque omni prædica-
 tione majorem .

*Flom. in Lad
 Colosi.*

Verum quæ pax e terræ nasci non potuit ,
 ut e Cœlo nata dicatur esse , illud etiam vi-
 detur necessario desiderari , tantæ ut dignitati
 ejus immortalitas quoque accedat . Neque
 enim ulla potest excogitari plena felicitas , si
 non cadenti sit immortalis . Pacem vero , quæ
 nobis hodie divinitus annuntiatur , non iisdem
 esse , quibus hæc vita , terminis circumscriptam ,
 illud in primis docet , quod tanta e Cœlo fe-
 licitas delapsa est , æterna jam Redemptione
 inventa ; quæ quidem pacis quum causâ fue-
 rit , eamque sibi devinctam perpetuo sit habi-

Heb. 9.

tura, quis non certissime futurum putet, ut Redemptionis cum æternitate conjunctio firmitatem pacis afferat sempiternam? Quid, quod antiquus serpens abjectus jacet, & alligatus, nec ulla jam pernicies comparabitur a monstro illo, quod retorquere quidem oculos in Ecclesiam potest, ejus vero vel potestatem frangere, vel pacis stabilitatem evertere nullo modo potest? Vicimus enim, magnificeque vicimus, quum Christus Jesus immortalitate sua nostram induit humanitatem, quum solus inter mortuos liber sua dissolvens *Psal. 81.* vincula, nostra quoque dirupit, quum delictum denique peccati stipendium est, & absorpta mors in victoria; quæ sane omnia si pacis æque, ac immortalitatis indicia sunt, hodiernam certe celebritatem necesse est firmitudo pacis maxima consequatur. Morte siquidem, & Diabolo superatis facile est intelligere, hanc fore pacem omni temporum diurnitate majorem. Ac mihi quidem cum hæc certissima videntur esse argumenta, tum multo illa certiora, quæ divino sunt Salvatoris oraculo confirmata. Pacem ait, non quomodo *Joann. 14.* Mundus dat, multis nempe aut simultatibus, aut suspicionibus intermissam, fallacem, lubricam, mendacemque; sed pacem suam se nobis dare, pacem relinquere, eam scilicet, quam habet ipse, quamque qui possidet, beatitudinem est assequutus ex omni parte perfectam, ideoque æternam, & immortalem. Pax, inquit, vobis, ego sum, nolite *Luc. 24.* timere; perinde quasi sic nos tacitus admoneret; ego, qui vulneribus in gloriam commuta-

mutatis ; spoliatisque inferis Patriarchas, & Prophetas mecum ab umbra mortis ad immortalitatem adduxi ; ego, cujus ut divina, sic immortalia sint opera, necesse est, ego sum, pacem qui vobis affero ; timorem ergo, si quem habetis, deponite ; pacem annuntio vobis, pacem relinquo suavissimam, solidam, absolutam, & immutabili cum aeternitate victuram. O nuntium vere jucundissimum, & omni humana cogitatione sublimiorem ! O pacem nulla unquam temporum vicissitudine dissolvendam ! quæ nullo vel motu concuti, vel injuria dissolvi possit, cui se pro vinculo, & quasi vadem Deus ipse dedit. Verum quæ nobis est immortalis tradita, quæ nulla violari ratione potest, eam nos ipsi pacem violamus, eam dissolvimus, quia non idem sapimus, quia quæ Christi sunt non querimus, nec in pace sunt ea, quæ possidemus. Quid restat itaque, nisi Deum obsecrare, atque obtestari, ut quam Apostolis sempiternam dedit, eam ipse in nobis pacem faciat immortalem ? Tuum igitur est, Christe Jesu, opus ex-
plere, quod inchoasti, tuum est id efficere, ut nihil tua nos separet a charitate, nihil a pace dividat, quam nobis hodie & gloriosissimam, & sempiternam annuntiavisti. Valeat tua pro nobis virtus : nostræ valeant apud te preces, sicut tui pro nobis suscepti labores, tua mors, tua vulnera tantopere valuerunt.